

ODLUKA

**O PRIHVATANJU ZADUŽENJA PO SPORAZUMU O ZAJMU I PROJEKTU
IZMEĐU KREDITANSTALT FÜR WIEDERAUFBAU FRANKFURT NA MAJNI I
BOSNE I HERCEGOVINE I FEDERACIJE BOSNE I HERCEGOVINE I JAVNOG
PREDUZEĆA ELEKTROPRIVREDE HRVATSKE ZAJEDNICE HERCEG-BOSNE
D.D. MOSTAR ZA REALIZACIJU PROJEKTA REHABILITACIJA I
MODERNIZACIJA CRPNO-AKUMULACIJSKE HIDROELEKTRANE ČAPLJINA**

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH”, br. 86/07, 24/09, 44/10 i 30/16), Parlament Federacije Bosne i Hercegovine je, na sjednici Predstavničkog doma održanoj 17.12.2019. godine i na sjednici Doma naroda održanoj 19.12. 2019. godine, d o n i o

ODLUKU

O PRIHVATANJU ZADUŽENJA PO SPORAZUMU O ZAJMU I PROJEKTU IZMEĐU KREDITANSTALT FÜR WIEDERAUFBAU FRANKFURT NA MAJNI I BOSNE I HERCEGOVINE I FEDERACIJE BOSNE I HERCEGOVINE I JAVNOG PREDUZEĆA ELEKTROPRIVREDE HRVATSKE ZAJEDNICE HERCEG-BOSNE D.D. MOSTAR ZA REALIZACIJU PROJEKTA REHABILITACIJA I MODERNIZACIJA CRPNO-AKUMULACIJSKE HIDROELEKTRANE ČAPLJINA

I.

Prihvata se zaduženje Federacije Bosne i Hercegovine (u daljnjem tekstu: Federacija) po Sporazumu o zajmu i projektu između Kreditanstalt für Wiederaufbau, Frankfurt na Majni (u daljnjem tekstu: KfW) i Bosne i Hercegovine (u daljnjem tekstu: BiH), Federacije i Javnog preduzeća Elektroprivreda Hrvatske Zajednice Herceg-Bosne d.d. Mostar (u daljnjem tekstu: JP EPHZHB) u iznosu od 15.000.000,00 EUR za realizaciju Projekta Rehabilitacija i modernizacija crpno-akumulacijske hidroelektrane Čapljina (u daljnjem tekstu: Projekat).

II.

Sredstva zajma iz tačke I. ove odluke koristit će se za obnovu i modernizaciju crpno-akumulacijske hidroelektrane Čapljina. Projekat rehabilitacije i modernizacije crpno-akumulacijske hidroelektrane Čapljina se odnosi na zamjenu dotrajale opreme i modernizaciju postrojenja starog 40 godina, a radi podizanja stepena pouzdanosti i raspoloživosti postrojenja.

III.

Sredstva zajma iz tačke I. ove odluke odobravaju se Federaciji pod sljedećim uslovima:

- iznos zajma.....15.000.000,00 EUR-a
- rok otplate.....(sa uključenim grace periodom) 15 godina
- grace period4,5 godine
- naknada za odobrena nepovučena sredstva..... 0,25 % godišnje
- kamatna stopa.....fiksna i utvrđuje se na bazi vlastitih efektivnih troškova finansiranja na euro tržištima kapitala i utvrđuje se na dan prije isplate zajma
- naknada za upravljanje zajmom je..... 1 % jednokratno
- dospijeća.....polugodišnje u jednakim otplatama glavnice
- datum plaćanja glavnice i kamata.....15. maj i 15. novembar svake godine
- iz sredstava zajma se ne mogu plaćati carine, porezi i druge dažbine.

IV.

Potvrđuje se da je razmatrana dokumentacija prihvatljiva za Federaciju, a posebno:

- Nacrt Sporazuma o zajmu i projektu između KfW, BiH, Federacije i JP EPHZHB.

V.

Sredstva zajma iz tačke I. ove odluke Federacija će na kreditnom osnovu prenijeti na JP EPHZHB, koja je krajnji korisnik i dužnik po zajmu.

U periodu implementacije Projekta, u Budžetu Federacije nije potrebno osigurati finansijska sredstva za dodatno sufinansiranje Projekta.

VI.

Zadužuje se Federalno ministarstvo finansija da sa JP EPHZHB usaglasi i sklopi odgovarajući Podugovor o zajmu i projektu kojim će, u svrhu redovne otplate, definirati uslove vraćanja sredstava koja se prenose na kreditnom osnovu.

VII.

Daje se saglasnost za zaključivanje Sporazuma o zajmu i projektu, Supsidijarnog sporazuma između BiH i Federacije i Podugovora o zajmu i projektu između Federacije i JP EPHZHB za sredstva iz tačke I. ove Odluke.

Za potpisivanje Sporazuma o zajmu i projektu, Supsidijarnog sporazuma i Podugovora o zajmu i projektu, ovlašćuje se federalni ministar finansija.

VIII.

Za realizaciju ove Odluke i izvještavanje zadužuju se Federalno ministarstvo finansija, Federalno ministarstvo energije, rudarstva i industrije i JP EPHZHB, svako u okviru svoje nadležnosti.

IX.

Implementacija Sporazuma iz tačke I. ove odluke ne zahtijeva donošenje novih ili izmjenu postojećih zakona.

X.

Ova odluka stupa na snagu narednog dana od dana objave u "Službenim novinama Federacije BiH".

PF broj: 01,02-14-2410/19
Sarajevo, 19.12.2019. godine

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Mirsad Zaimović

PREDSJEDAVAJUĆI
DOMA NARODA
PARLAMENTA FEDERACIJE BiH

Tomislav Martinović